


TEZAUUR LITURGIC
15 SEPTEMBRIE

ACATISTUL
SF.CUVIOS
NICHITA
DE LA
KOSTROMA



MOSCOVA, 2000



Акафист преподобному Никите Костромскому, ученику преподобнаго Сергия Радонежскаго

Кондак 1

Избра́нный от благо́честиваго рoда подви́жнице, преподо́бне oтче на́ш Никíто, благо́честием и труды́ мно́гими Бо́гу угоди́вый, приими́ похва́льное пéние от нас, любóвию чту́щих святу́ю па́мять твою́, и я́ко име́я ве́лие дерзнове́ние ко Го́споду, моли́ Христа́ Бо́га о спасéнии душ на́ших, да зове́м ти: Ра́дуйся, преподо́бне Никíто, гра́да Костромы́ усéрдный засту́пнице.

Икос 1

А́нгела земна́го яви́ тя Госпо́дь земли́ на́шей, я́ко во оби́телех ея́ до́бре подви́зався, крoтким и ти́хим жити́ем просия́л еси́. Те́мже и Христо́с отве́рзе ти врата́ небéсная и ли́ку преподо́бных сочета́, мы же благода́рне воспева́ем си́це:

Ра́дуйся, земли́ Ростóвския прозябéние;
ра́дуйся, благо́честиваго рoда украше́ние.

Ра́дуйся, Сéргия преподо́бнаго боголюбíвый
сродни́че;

ра́дуйся, смире́нный его́ учени́че и усер́дный
послу́шнике.

Ра́дуйся, от младе́нчества любо́вь ко Го́споду
яви́вый;

ра́дуйся, да́же до сме́рти ю́ сохра́ни́ый.

Ра́дуйся, ко ино́ческому жити́ю от ю́ности
прилежа́ый;

ра́дуйся, а́нгельский нрав стяжа́ый.

Ра́дуйся, преподо́бне Никито́, гра́да Костромы́
усер́дный засту́пнике.

Кондак 2

Ви́дев Го́спо́дь усер́дие твоё́ ко ино́ческому
жити́ю, напра́ви стопы́ твоя́ ко преподо́бному
сроднику́ твоёму́ а́вве Серге́ю, от него́же
благоче́стию науче́н, любо́вь к добродете́лем
стяжа́л еси́ и, послуша́нию прилежа́в, о́браз
трудолю́бия яви́л еси́. Сего́ ра́ди, зря́ще о тебе́
благую́ волю́ Го́спо́дню, воспева́ем Бо́гу:
Аллилу́иа.

Икос 2

Ра́зум просвеще́н имёти жела́я, в зако́не
Го́сподни поуча́лся еси́ день и но́щь, преподо́бне
Никито́, та́же и Ле́ствицу свята́го Иоа́нна списа́л
еси́, да ле́ствицею добродете́лей ино́ческих на
не́бо взы́деши. Мы́ же, дивя́щися усер́дию
твоёму́, вопие́м ти:

Ра́дуйся, роди́телей бла́гих плод до́брый и
избра́нный;

ра́дуйся, благо́честіе от них восприе́мый.

Ра́дуйся, от ю́ности по́стническому житію
прилежа́вый;

ра́дуйся, Сѣ́ргію преподо́бному ученика́ себе
соде́лавый.

Ра́дуйся, в послуша́нии тому́ усѣ́рдно
пребыва́вый;

ра́дуйся, наставля́емыми его́ мно́гия
добродѣ́тели стяжа́вый.

Ра́дуйся, чистоты́ серде́чныя усѣ́рдный
хранителю;

ра́дуйся, уста́вов ино́ческих изря́дный
ревнителю.

Ра́дуйся, преподо́бне Никі́то, гра́да Костромы́
усѣ́рдный заступниче.

Кондак 3

Си́лою Вы́шняго укрепля́емъ, мно́гая лѣ́та во
оби́тели Святы́я Тро́ицы подви́зася еси́, о́тче
Никі́то, и постриже́ние ино́ческое от свята́го
игу́мена Сѣ́ргія восприе́м, о́браз пра́веднаго
житія́ его́ в се́рдцы слагал еси́, и свидѣ́тель
дѣ́вных чудѣ́с и по́двигов его́ соде́лался еси́,
воспева́я Бо́гу: Аллилу́иа.

Икос 3

Име́я по всѣ́ дни упова́ние на Бо́га, во́ли твоея́
отре́клся еси́, преподо́бне о́тче на́ш Ники́то, мы
же, воспева́юще добронра́вное жити́е твоѣ́,
прославля́ем тя та́ко:

Ра́дуйся, нищету́ духо́вную возлюбивый;
ра́дуйся, мудрова́ние плотско́е умертвивый.

Ра́дуйся, слеза́ми мно́гими се́рдце очи́стивый;
ра́дуйся, богомы́слием ум горе́ возвы́сивый.

Ра́дуйся, молча́ния Исаа́киева благоговейный
свидетелю;

ра́дуйся, послуша́ния Ни́конова дивный
ревнителю.

Ра́дуйся, Михее́вым словесе́м со стра́хом
внима́вый;

ра́дуйся, Си́монову благо́разумию
подража́вый.

Ра́дуйся, преподо́бне Ники́то, гра́да Костро́мы
усе́рдный засту́пниче.

Кондак 4

Бу́рю помышле́ний послуша́нием усмиря́я,
благослове́ние преподо́бнаго Се́ргия крото́
восприя́л еси́, и к но́вому по́двигу устреми́лся
еси́, о́тче Ники́то. Те́мже к преподо́бному
Афа́насию прише́д, во оби́тели Вы́соцкой гра́да
Серпу́хова всели́лся еси́, Бо́гови вопия́:
Аллилу́иа.

Икос 4

Слы́шавше бра́тия Сёрпуховския оби́тели о богоу́годном жити́и твоём, преподо́бне Никито, с любви́ю прия́ша тя, я́ко отца́ духо́внаго, и попече́ние о душа́х своихъ ввери́ша тебё, а́ще и ле́ты юн бѣше. Мы́ же, дивя́щеся рассу́ждению твоему́ и благода́ти, в тебё бѣ́вшей, взыва́ем си́це:

Ра́дуйся, преподо́бнаго Сёргия досто́йный учени́чѣ;

ра́дуйся, преподо́бнаго Афана́сия смире́нный помо́щниче.

Ра́дуйся, дар рассу́ждения послуша́нием стяжавый;

ра́дуйся, у́мному де́ланию со усер́дием прилежа́вый.

Ра́дуйся, ле́ствицею добродё́телей от си́лы в си́лу восходи́вый;

ра́дуйся, обе́ты ино́ческия, я́ко залогъ спасе́ния, возлюбивый.

Ра́дуйся, градъ Костро́му моли́твами твои́ми утверди́вый;

ра́дуйся, зе́млю Костромску́ю стопа́ми твои́ми освятивый.

Ра́дуйся, преподо́бне Никито, гра́да Костро́мы усер́дный засту́пниче.

Кондак 5

Богомудрый игумен обители Серпуховския
явился еси, отче Никито, словесы святых отец
всех назидая, како подобает в единении и любви
пребывать, молитве и послушанию прилежати,
и крестным путем ко спасению шествовати,
взывая Богу: Аллилуиа.

Икос 5

Видев разорение обители твоея от нечестивых
иноплеменник, преподобне Никито, многия
подвиги и труды положил еси, паки устрояя
благолепие ея, и яко милостивый отец, о людех,
крова лишенных, алчущих и в нуждах сущих,
попечение имел еси. Мы же, прославляюще
богоугодное житие и добродетели твоя, вопием
ти:

Радуйся, благочиния монастырскаго
неустанный блюстителю;

радуйся, устава церковнаго усердный
ревнителю.

Радуйся, добротолубия истинный учителю;

радуйся, скорбящих и страждущих добрый
попечителю.

Радуйся, светильниче от Господа возжженный;

радуйся, благодатию Духа Святаго
освященный.

Радуйся, в нашествии иноплеменник все
упование на Бога возложивый;

ра́дуйся, крото́стию и смире́нием мно́жества
мона́хов собра́вый.

Ра́дуйся, преподо́бне Ники́то, гра́да Костромы́
успе́рдный засту́пниче.

Кондак 6

Пропове́дует земля́ Ру́сская смире́ние твоё и
любо́вь ко ино́ческому по́двигу, преподо́бне
Ники́то: ты бо, уеди́нения взыску́я, и в
Покро́вскую оби́тель близ гра́да Бо́ровска
всели́вся, бра́тию ея́ я́ко ста́рец богому́дрый
окормля́л еси́, воспева́я Бо́гу: Аллилу́иа.

Икос 6

Воссия́л еси́ во оби́тели Покро́вской свя́тостию
жити́я твоего́, прехва́льне Ники́то, и ю́наго
подви́жника, преподо́бнаго Пафну́тия,
возрасти́л еси́, и́же вся́кому мона́шескому
де́ланию от тебе́ научи́ся. Мы же, прославля́юще
жити́е твоё, воспева́ем тя:

Ра́дуйся, свети́льниче, пу́ть ко спасе́нию
указу́яй;

ра́дуйся, подви́жниче, горе́ сердца́ при́сно
возводи́й.

Ра́дуйся, добродете́льнаго жити́я богому́дрый
учи́телю;

ра́дуйся, преподо́бнаго Пафну́тия иску́сный
наста́вниче.

Ра́дуйся, мно́гия ино́ки Бо́гови возрасти́вый;

ра́дуйся, тем я́ко оте́ц ми́лосе́рдный бы́вый.
Ра́дуйся, преподо́бне, в по́двизех ча́д твои́х
укрепля́вый;
ра́дуйся, словесы́ твои́ми в терпе́нии их
утвержда́вый.
Ра́дуйся, преподо́бне Никито́, гра́да Костромы́
усе́рдный засту́пниче.

Кондак 7

Хотя́ по заве́ту преподо́бнаго Се́ргия в
се́верней стране́ о́бщее жити́е ино́ков устро́ити,
прииде́ пре́жде во оби́тель Тро́ицкую
помоли́тся, о́тче Никито́. Зде́ же, узре́в чуде́са
от мо́щей о́тца́ твоего́ духо́внаго,
благодарственне воспе́л еси́ Бо́гу: Аллилу́иа.

Икос 7

Но́ваго уго́дника чуде́с самови́дец бы́ти
сподо́бился, ду́хом укрепил́ся еси́, преподо́бне
о́тче Никито́, да в се́верную страну́ изше́д, сла́ву
учи́теля твоего́ и печа́льника земли́ ру́сския
распространи́ши. Мы́ же, я́ко ве́рнаго учени́ка
Се́ргиева ты почита́юще, прославля́ем си́це:

Ра́дуйся, дивнаго учи́теля ве́рный учени́че;
ра́дуйся, благода́ти того́ досто́йный
прие́мниче.

Ра́дуйся, заве́тов преподо́бнаго Се́ргия
исполни́телю;

ра́дуйся, уста́вов его́ в ино́ческих оби́телях
насади́телю.

Ра́дуйся, мно́гими добродѣ́тельницами жити́е
укра́сивый;

ра́дуйся, в ли́це ученико́в Сѣ́ргиевых
просла́вленный.

Ра́дуйся, смире́ние в основа́ние подвиго́в
положи́вый;

ра́дуйся, исполне́нием за́поведей Бо́жиих на
Не́бо возше́дый.

Ра́дуйся, преподо́бне Никито́, гра́да Костромы́
усер́дный засту́пниче.

Кондак 8

Странно и дивно бы́сть прише́ствие твоё во
гра́д Кострому́, преподо́бне о́тче Никито́:
подобает бо си́льным и ю́ным в да́льния страны́
тещи́ и но́вое служе́ние приима́ти. Ты́ же,
не́мощен сый и очима́ недужен, сие́ сверши́л
еси́, воспева́я Даю́щему тебѣ́ крѣ́пость: Аллилу́иа.

Икос 8

Всё упова́ние на Го́спода возложи́в,
преподо́бне Никито́, в преде́лы Костромскія́
изше́л еси́, иде́же в пусты́ннем ме́сте оби́тель
Богоявле́нскую устро́ив, мно́жество ино́ков
собра́л еси́. Сего́ ра́ди похваля́ем тя:

Ра́дуйся, благослове́ние духо́внаго о́тца́
испо́лнивый;

ра́дуйся, зѣмлю Костромскую́ прише́ствием
твои́м освя́тивый.

Ра́дуйся, дре́вний град моли́твами твои́ми
утверди́вый;

ра́дуйся, оби́тель Богоявле́ния в нем
основа́вый.

Ра́дуйся, взыску́ющия ино́ческаго по́двига
о́крест себе́ собра́вый;

ра́дуйся, боголю́биво́му о́бщему жити́ю тѣх
научи́вый.

Ра́дуйся, страну́ Костромскую́ по́двиги твои́ми
просла́вивый;

ра́дуйся, лю́ди ея́ на спасе́ния стези́
настави́вый.

Ра́дуйся, преподо́бне Никито́, гра́да Костромы́
усе́рдный засту́пниче.

Кондак 9

Вся́къ правосла́вный похва́ляет терпе́ние твоѐ,
преподо́бне о́тче Никито́: ты бо, гла́д и хла́д,
вся́кия напа́сти и наше́ствие инопле́менных в
многотру́днем и ско́рбнем жити́и претерпева́я,
Бо́га за вся́ благодарил еси́, воспева́я Ему́:
Аллилу́иа.

Икос 9

Ветийству́ющий язы́к не мо́жет изре́щи́ оби́лие
любе́ тво́ея и вели́каго смире́ния: ты бо,
преподо́бне, многоле́тен сый и са́ном

архимандрита облечён, со смирёнием всём
послужил еси. Сего ради прославляем тя:

Радуйся, светильниче, игуменом Радонежским
возжжённый;

радуйся, сосуде, даров Духа Святаго
исполненный.

Радуйся, нищетою духовною себе обогативый;
радуйся, глубиною смирения высоту
Богомыслия показавый.

Радуйся, преподобне, хриstopодражательный
нрав стяжавый;

радуйся, вся скорби благодушне терпевый.

Радуйся, слепотствуя телесне, духовное зрение
имевый;

радуйся, терпением скорбей дар разсуждения
обретый.

Радуйся, преподобне Никито, града Костромы
усердный заступниче.

Кондак 10

Спасти хотя души приходящих к тебе,
Богомудре отче Никито, подвиг настоятельства
терпеливо понёс еси, и всякое попечение о
людех твоих на рамо взём, ленивыя обличал еси,
немошныя укреплял еси, скорбящия утешал еси,
да вси возмогут пети Господу: Аллилуиа.

Икос 10

Стена́ и прибѣжище бы́сть тебѣ, о́тче наш
Ники́то, ико́на Пресвяты́я Богоро́дицы,
имену́емая Феодо́ровская, пред не́юже моле́ние
те́плое за вся́ люди возно́сил еси́. Сего́ ра́ди
зовѣм ти́:

Ра́дуйся, жити́я ино́ческаго во гра́де Костроме́
му́дрый устройте́лю;

ра́дуйся, пра́вил о́бщаго жити́я усер́дный
насади́телю.

Ра́дуйся, оби́тели Богоявле́нской кре́пкое
основа́ние;

ра́дуйся, мона́шествующих при́сна похва́ло.

Ра́дуйся, словесы́ твои́ми ча́да духо́вная
напита́вый;

ра́дуйся, о́ная на пу́ть спасе́ния наста́вивый.

Ра́дуйся, приходя́щая к тебѣ́ с любóвию
приима́вый;

ра́дуйся, в ну́ждах су́щим потре́бная
подава́вый.

Ра́дуйся, преподо́бне Ники́то, гра́да Костромы́
усер́дный заступни́че.

Кондак 11

Пе́ние всеумиле́нное Го́споду прине́сл еси́,
преподо́бне о́тче Ники́то, егда́ ча́с кончи́ны
твоея́ и разреше́ния от трудо́в и по́двигов
мно́гих прии́де, ты́ бо, ду́х тво́й в ру́це Бо́жии со
благодарением преда́я, воззва́л еси́: Аллилу́иа.

Икос 11

Светильника земли Русския вѣмы ты,
Богоносне отче наш Никито: ты бо, огонь любви
Божественныя от преподобнаго Сергия
восприем, сердца многая возжег еси. Темже
похваляем тя словесы сицевыми:

Радуйся, яко светильник земли Русския
возсиявый;

радуйся, в стране Костромской поприще
многотрудное скончавый.

Радуйся, во обители Богоявленской дух твой
Богу предавый;

радуйся, кончиною праведною назидание
всем сотворивый.

Радуйся, град Кострому мощами твоими
освятивый;

радуйся, во обители Небесныя вселивыйся.

Радуйся, яко Престолу Вседержителя
предстоиши;

радуйся, яко о стране нашей присно
ходатайствуеши.

Радуйся, преподобне Никито, града Костромы
усердный заступниче.

Кондак 12

Благодать чудес от гроба твоего источаеши
всем, с любовью притекающим к тебе,
преподобне отче Никито. Мы же, зряще таковую
милость Божию, нам грешным подаваемую

предста́тельством твои́м, уми́льно взыва́ем:
Аллилу́иа.

Икос 12

Почита́ем тя, уго́днице Бо́жий Ники́то,
наста́вниче мона́хов и собесе́дниче А́нгелов, и
воспева́ем по́двиги тво́я, и́миже Це́рковь
Ру́сскую прославля́еши и нас в Правосла́вии
укрепля́еши. Сего́ ра́ди с любо́вию взыва́ем ти:

Ра́дуйся, я́ко мно́гия оби́тели в землѣ на́шей
наста́вника тя почита́ют;

ра́дуйся, я́ко ино́цы и мирсти́и к
предста́тельству тво́ему с ве́рою притека́ют.

Ра́дуйся, я́ко моли́твами тво́ими от скорбе́й и
бе́д огражда́еши;

ра́дуйся, я́ко чуде́са от гроба́ тво́его неоску́дно
источа́еши.

Ра́дуйся, я́ко в со́нмех святы́х ны́не Бо́га
прославля́еши;

ра́дуйся, я́ко в ли́це преподо́бных пред
Престо́лом Святы́я Тро́ицы пребыва́еши.

Ра́дуйся, я́ко в невече́рнем све́те ны́не со
А́нгелы лику́еши;

ра́дуйся, я́ко и о нас пред Бо́гом те́пле
ходата́йствуеши.

Ра́дуйся, преподо́бне Ники́то, гра́да Костромы́
усе́рдный засту́пниче.

Кондак 13

О, преподо́бне и богоно́сне о́тче Никито! Приими ны́не приноси́мое тебѣ похва́льное пѣние, и не забуди ча́д твои́х, любóвию чту́щих тя. Умоли́ Го́спода сил дарова́ти нам во вся́цем благоче́стии и чистоте́ жи́ти и Ца́рствия Небе́снаго дости́гнути, да с тобо́ю воспоём Бо́гу: Аллилу́иа.

Молитва

О, преподо́бне о́тче наш Никито, уго́днице Бо́жий, моли́твенниче о душа́х наши́х и тёплый засту́пниче! Ты́ во дни́ земна́го жити́я твоего́, мно́гия труды́ мона́шеския подъя́ем, ду́шу пока́нием и смире́нием очисти́л еси́, и яко́ о́тец духо́вный любóвию всем послужи́л еси́. Сего́ ра́ди в Небе́сных оби́телех пребыва́еши, иде́же дерзнове́нно ходата́йствуеши о нас. Мо́лим тя, о́тче преподо́бне, моли́ Милости́ваго Бо́га земно́е по́прище нам непреткнове́нно преи́ти и от разжже́нных стрёл лука́ваго сохра́нися, во еже бы́ти нам ча́дом Бо́жиим и в за́поведех Его́ непоро́чно ходи́ти. Моли́, о́тче святы́й, земли́ нашей от бед изба́виться, граду́ Костроме́ и все́й стране́ нашей в правосла́вии утверди́тися, да при́сно сла́вим Отца́ и Сы́на и Свята́го Ду́ха во ве́ки веко́в. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО